



Broj:09/1-14-20971/19  
Tuzla, 07.11. 2019. godine

Na osnovu člana 23. Zakona o ministarstvima i drugim organima uprave Tuzlanskog kantona – prečišćeni tekst („Sl. novine Tuzlanskog kantona“ broj:10/18) i člana 77. stav 5. Zakona o izvršenju budžeta Tuzlanskog kantona za 2019. godinu (“Službene novine Tuzlanskog kantona”, broj: 3/19), Ministarstvo za rad, socijalnu politiku i povratak Tuzlanskog kantona donosi

**PROGRAM**  
**raspodjele sredstava za materijalno zbrinjavanje lica u stanju socijalne potrebe**  
**za 2019. godinu**

**I**

Ovim Programom utvrđuje se raspodjela sredstava iz budžeta Tuzlanskog kantona za 2019. godinu sa budžetske pozicije 23020009-materijalno zbrinjavanje lica u stanju socijalne potrebe u ukupnom iznosu od 187.000,00 KM. Sredstva se raspoređuju organizacijama/udruženjima za podršku realizacije projekata koji imaju sljedeće ciljeve:

<b>BR.</b>	<b>CILJEVI</b>	<b>Iznos odobrenih sredstava u KM</b>
1.	Prevenција siromaštva i podrška materijalno neobezbijeđenim pojedincima i porodicama u vidu dodjele prehrambenih i higijenskih paketa i ogreva	50.000,00
2.	Podrška djeci i mladima sa višestrukim i najtežim oblicima invaliditeta kroz provođenje procesa rehabilitacije i rehabilitacije, usluga boravka i drugih vaninstitucionalnih usluga podrške i usluga ranog rasta i razvoja.	43.000,00
3.	Osnaživanje osoba sa invaliditetom, profesionalna rehabilitacija i zapošljavanje i drugi oblici usluga i podrške ovim licima i njihovim porodicama, a koje preveniraju institucionalni smještaj osoba sa invaliditetom.	29.000,00
4.	Podrška pojedincima i porodicama, koja zbog posebnih okolnosti trebaju podršku (poremećeni porodični odnosi, problemi u vaspitanju djece i u odnosima roditelja i djece, problemi rizičnih ponašanja djece i omladine, nasilja u porodici i u drugim kriznim situacijama) putem savjetovanja, usluga sigurne kuće, specifičnih tretmana, razvoja hraniteljstva i drugih vaninstitucionalnih oblika zaštite koji jačaju instituciju porodice.	31.000,00
5.	Poboljšanje kvaliteta življenja starijih lica putem vaninstitucionalnih usluga i drugih oblika podrške.	34.000,00

Organizacije i udruženja u obrascu projektnog prijedloga za odobravanje sredstava određuju cilj na koji apliciraju sa projektom.

Ako na neki od ciljeva ne aplicira dovoljan broj organizacija/udruženja i sredstva ostanu neraspoređena, Komisija imenovana od strane ministra za rad, socijalnu politiku i povratak u Vladi Tuzlanskog kantona će neraspoređena sredstva preraspodijeliti na ostale ciljeve koji su definisani Programom.

## II

Ministar za rad, socijalnu politiku i povratak u Vladi Tuzlanskog kantona će sredstva iz tačke I ovog Programa rasporediti posebnim odlukama u skladu sa raspoloživim sredstvima Budžeta i operativnim planovima izvršenja Budžeta za 2019. godinu.

## III

Komisija imenovana od strane ministra za rad, socijalnu politiku i povratak u Vladi Tuzlanskog kantona će utvrditi prijedlog raspodjele sredstava iz tačke I ovog Programa, na osnovu slijedećih kriterija i načina bodovanja:

	<b>KRITERIJI</b>	<b>Cilj 1</b>	<b>Cilj 2</b>	<b>Cilj 3</b>	<b>Cilj 4</b>	<b>Cilj 5</b>
		Broj bodova po ciljevima				
1.	Kvalitet projekta, usklađenost sa ciljevima programa	0 – 5	0 – 5	0 – 5	0 – 5	0 – 5
2.	Postignuti rezultati u predloženim projektnim aktivnostima, u prethodnom periodu i ažurnost i kvalitet izvještavanja za već podržane projekte iz budžeta ministarstva	0 – 5	0 – 5	0 – 5	0 – 5	0 – 5
3.	Broj korisnika, kategorija korisnika usluga i nivo uključenosti korisnika	0 – 20	0 – 10	0 – 15	0 – 10	0 – 10
4.	Doprinos projekta razvoju vaninstitucionalnih usluga i njihovom približavanju lokalnoj zajednici (korisnicima)	0 – 10	0 – 20	0 – 15	0 – 20	0 – 20
5.	Uticaj predviđenih aktivnosti na ciljne grupe	0 – 5	0 – 5	0 – 5	0 – 5	0 – 5
6.	Kvalitet i struktura budžeta projekta	0 – 5	0 – 5	0 – 5	0 – 5	0 – 5
7.	Sufinansiranje iz drugih izvora ili sufinansiranje od strane implementatora projekta	0 – 10	0 – 10	0 – 10	0 – 10	0 – 10
8.	Uspostavljenost partnerskih odnosa sa drugim sektorima u realizaciji projekta	0 – 5	0 – 5	0 – 5	0 – 5	0 – 5
	<b>Ukupan broj bodova</b>	<b>Ukupno po 65 bodova</b>				

Organizacije i udruženja koja ne ostvare minimum od 15 bodova neće biti finansirana/sufinansirana sredstvima iz ovog Programa.

## IV

Prilikom procjene neće se razmatrati projekti koji:

- su usmjereni ka vjerskim ciljevima i aktivnostima,
- se isključivo baziraju na investicijskim ulaganjima, izgradnji i adaptaciji objekata, kupovini opreme,
- imaju administrativne troškove veće od 20% traženih sredstava iz Budžeta TK za 2019. godinu,
- su podneseni od organizacija i udruženja koji nisu dostavili izvještaj o namjenskom utrošku sredstava odobrenih u 2018. godini u roku određenom u odlukama o odobravanju sredstava,
- su podneseni od organizacija i udruženja koji nisu dostavili izvještaj o namjenskom utrošku sredstava odobrenih iz budžeta Ministarstva za rad, socijalnu politiku i povratak TK u prethodnim godinama,
- su podneseni od organizacija i udruženja koje u okviru registrovane djelatnosti ne rade na unapređenju ukupnog društvenog položaja lica u stanju socijalne potrebe,
- projekti koji nisu dostavljeni u skladu sa propisanim obrascima od strane Ministarstva,
- čiji projekti nisu namjenjeni građanima Tuzlanskog kantona.

Ministarstvo za rad, socijalnu politiku i povratak TK neće razmatrati zahtjeve za sufinansiranje programa rada podnosioca zahtjeva, već isključivo konkretne projekte.

## V

Objava ovog Programa u “Službenim novinama” Tuzlanskog kantona ostavlja mogućnost potencijalnim korisnicima za podnošenje zahtjeva sa projektom za raspodjelu sredstava u roku od 15 dana od dana objavljivanja u „Službenim novinama“ Tuzlanskog kantona, a što se smatra javnim pozivom.

## VI

Podnosilac projektnog prijedloga za dodjelu sredstava obavezan je dostaviti sljedeću dokumentaciju:

- Prijavni obrazac – obrazac 1
- Obrazac projektnog prijedloga - obrazac 2
- Budžet projekta – obrazac 3
- Rješenje o upisu u registar kod Ministarstva pravosuđa i uprave TK-a ili drugog nadležnog organa FBiH ili BiH (kopija)
- Statut udruženja/organizacije (kopija)
- Izvještaj o radu za 2018. godinu (kopija)
- Akt o usvajanju Izvještaja o radu za 2018. godinu od strane nadležnog organa (kopija)
- Uvjerenje o poreznoj registraciji (kopija)
- Spesimen potpisa (kopija)
- Bilans stanja za 2018.godinu ovjeren od nadležnog organa ( kopija).
- Bilans uspjeha za 2018. godinu ovjeren od nadležnog organa (kopija).
- Izjava odgovorne osobe pravnog lica o transparentnom utrošku sredstava

- Sporazum o partnerstvu ako se radi o partnerskom projektu ovjeren od svih partnera (kopija),
- Dokaz o sufinansiranju iz drugih izvora ili sufinansiranju od strane implementatora projekta (ukoliko je obezbjeđeno sufinansiranje).

Podnosioci projektnog prijedloga su obavezni pridržavati se Smjernica za pripremanje budžeta, koje su sastavni dio ovog Programa.

U budžetu projekta mora biti jasno naznačeno za koje se aktivnosti traže sredstva od Ministarstva, a za koje su aktivnosti osigurana sredstva iz drugih izvora, ukoliko postoje.

Svi obrasci moraju biti popunjeni, potpisani i ovjereni od strane odgovorne osobe podnosioca prijave.

Obrasci za prijavu čine sastavni dio ovog Programa i mogu se preuzeti sa web stranice Vlade TK-a ([www.vladatk.kim.ba](http://www.vladatk.kim.ba)).

## VII

Popunjeni prijavni obrazac sa svim priložima podnosi se u zapečaćenoj koverti, a predaje putem pošte ili na pisarnicu zajedničkih službi kantonalnih organa na adresu:

Tuzlanski kanton

Ministarstvo za rad, socijalnu politiku i povratak

Rudarska br. 57

75000 Tuzla sa naznakom

“Prijava na javni poziv za raspodjelu sredstava za materijalno zbrinjavanje lica u stanju socijalne potrebe za 2019. godinu – ne otvarati”.

## VIII

Organizacije i udruženja su obavezni da izvještaj o utrošku sredstava sa potrebnim dokazima (kopije računa) uz narativni izvještaj, dostave Ministarstvu za rad, socijalnu politiku i povratak TK-a, najkasnije u roku od tri mjeseca od dana izvršene uplate sredstava od strane Ministarstva finansija Tuzlanskog kantona.

Izvještaj iz stava 1. ove tačke dostavlja se u skladu sa propisanim obrascem (obrazac 4) koji se može preuzeti sa web stranice Vlade TK-a ([www.vladatk.kim.ba](http://www.vladatk.kim.ba)). Obrazac narativnog i finansijskog izvještaja je sastavni dio Programa.

Ukoliko sredstva iz tačke I ovog Programa iz neopravdanih razloga ne budu utrošena u roku iz stava 1. ove tačke ili se ista utroše nenamjenski Udruženje je dužno sredstva vratiti u budžet Tuzlanskog kantona, u protivnom protiv istog će biti pokrenut postupak pred nadležnim sudom.

## IX

Za realizaciju ovog Programa i pojedinačnih Odluka donesenih na osnovu ovog Programa, zadužuje se Ministarstvo za rad, socijalnu politiku i povratak Tuzlanskog kantona i Ministarstvo finansija Tuzlanskog kantona.

X

Program stupa na snagu danom davanja saglasnosti od strane Vlade Tuzlanskog kantona, primjenjuje se od 01.01.2019. godine i isti će se objaviti u «Službenim novinama» Tuzlanskog kantona .

Dostavljeno:  
1 x Vlada TK  
1 x evidencija  
1 x arhiva

MINISTAR

Admir Hrustanović, dipl. oec